

اداره مخصوصه
درسعادته ياب على جاده سنده

محل اداره :

مُشَارِقَةُ الْقُرُونِ

۱۳۲۶

اخطار :

مسلكنزه موافق آثار جديده مع المنوئيه
قبول اولنور
درج ايديلهين آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بردفعه نشر اولنور.

مؤسلى : ابوالعلا زين العابدين - ح . اشرف اديب

درسعادته نسخه سى ۵۰ پاره در

قيرله دن مقوا بورو ايله كوندريليسه سنوى
۲۰ غروش فضله آلير

تاريخ تاسيسى

۱۰ تموز ۳۲۴

سنه لى

۸۰ ۴۰

ولاياتده

۸۰ ۴۰

ممالك اجنبيه ده

درسعادته پوسته ايله كوندريليسه ولايات بدلى اخذ اولنور

عدد : ۵۰

۳ شعبان ۳۲۷ پنجشنبه ۶ اغستوس ۳۲۵

ايكنجى جلد

ژاپونلرک اخلاق و معتقداتی حقننده کی تبعملرندن استحصال ایلدکلری نتایجہ دائر اولدی .

فضلی بک ژاپونلرک اخلاق و عادات ملیہ لرینی اسلامیتہ بک یقین بولیور . و ژاپونلرجه تبدیل دین حالندہ اسلامیتک قبول اولنه جغه قانع و مطمئن بولونیور .

بو خصوصہ کندیلری ایچون امیدبخش اولان جهات ژاپونلرک نظافته اولان فرط اعتنا و دقتلری ، ذکا و درایتلرینک مکتسبات علمیہ سایہ بندہ مترقی بولونمسی حسیلہ حقیقتہ ، معقولاتہ قارشی اولان حرمت و مفتونیتلری در .

ژاپونلرجه مسلمانلرک ابدستی ، غسلی ، نظافت دینیہ سی بک تقدیر اولونیور ؛ هله نمازده مشہودلری اولان خضوع و خشوع بک خوشلرینہ ، بک ذوقلرینہ کیدیور ؛ وحدانیت الہیہی ، صفات سبحانیہی ، حیات پیغمبریہی ، خلاصہ کافہ عقائد اسلامیهی نصایح و احکام قرآنیہی ایشدکجه طبایع و فکرلرینہ اولان توافق تامدن طولانی اسلامیتہ قارشی قلبلرندہ درحال برحبت حصولہ کلیور . ژاپونلر دائماً منطق بولونمخی ، محاکمہ و معقولاتدن ایرماسمخی شعار مخصوص ایدندکلرندن دین خصوصندہ کی نقصانلرینی اعتراف ایدرلر . و حقیقتہ واصل اولمقہ بک زیادہ خواہشکر بولنورلر .

عقائد خرسٹیانیک تہلیث کبی مسائلی ژاپونلرجه بک قاریشیق کوریلدیور ؛ بنابرین خرسٹیان میسیونرلرینک بیوک مقیاسدہ کی فداکارلقلری دائماً عقیم قالیور . فقط اسلامیتک بتون معقولاتہ مستند عقائد سیاسیہ و احکام اصلیه سنی قبولدہ هیچ تردد ایتبورلر .

فضلی بک شوملاحظہ لرک ، تشبثاتی حقنندہ کی تأثیراتی تصور ایدرک عیناً شوسوزلری سویلیدی : « ایشته بواسطہ داد بزہ بیوک امیدلرویوردی ویزی عظیم بر فمالیت و غیرتہ سوق ایتدی . بوکون ہم برارقداشم دہا وار ، کہ بک فاضل و عالم برذاتدر ، ہندعلماسندن در . ہندستاندہ و او طرف مسلمانلری آردہ سندہ بیوک بر نفوذ و شہرت صاحبی در . بلکہ سزدہ ایشتمش سکزددر : « برکۃ اللہ افندی » بش سنہ ایچون ژاپونیاہ کلشدر . ہنوز ایکی سنہ اولدی . ژاپون لسان مکتبندہ اردو لسانی معلمی در . نطقلری اہالیہی اولیلہ جذب ایدیور کہ اورادہ برجامع و مدرسہ من اواسہ ژاپونلر منبرک اطرافنی ہیچ بوش بر اقایہ جقلردر . بونک ایچون ہر شیدن اول بر مسجد انشاسنہ تشبث ایتدک . ژاپونلرلہ ، ژاپون اعظم رجالیلہ بونی مذاکرہ ایلدک . زیادہ سیلہ تقدیر و تصویب ایتدیلر . چونکہ ذاتاً اکثر اعظامک معقدات وجدانیہ لری عقائد اسلامیهیہ مخالف دکلددر . دین اسلامک علویتنی تقدیر ایتشلردر . بونک ایچون بر مسجدانشاسی خصوصندہ الدن کلدیکی قدر معارنندن کروطورمایہ جقلرینی تأمین ایتدیلر . اوصردہ ایدی کہ بن ژاپونیاہدن حرکت ایتدم . کچن کون برکۃ افندی بر مکتوب الدم جامع ایچون لازم اولان یرک ژاپونیا طرفندن ویریلدیکنی تبشیر ایدیور ؛ ہم اولیلہ معتنا بر موقعدہ کہ میقادو جنابلرینک قصرینہ بک یقین . انشاآنہ کفایت ایدہ جک پارہدہ حاضر لائش . یقیندہ انشااہ انشاآت

قول حقنندہ ساقط اولور ، یالکنز توبہ ایلہ قورتولوش یوق . اونک ایچون بو آیت جلدلہدہ ؛ (من قبل ان تقدروا علیہم) قول شریفندن نہ استنباط اولنور ؛ اللہ کچمزدن اول اشقیادن بریسی مجرد اللہ قورقوسیلہ توبہ کار اولورسہ اللہ : — غفور رحیم بن ، دییور ، آخرتدہ عذاب ایتیم . دنیاسدہدہ جزا تعین ایتیم . یعنی حد شرعی اولہرق شونی یاپک دیم اما قول حق وارسہ بر اقام . بر اقرسہم او وقت ظالم اولورم . بن ظالم اولہمام . . .

مابعدی وار

ژاپونیاہ دین اسلام انتشارہ باشلائیور

ژاپونیاہ عائد مشہور سیبریالی عبد الرشید ابراہیم افندی بک رسالہ مزہ کوندرمکدہ اولدقلری مکتوبلری منتظماً نشر ایدیور و ژاپونیاہ انتشاری آرزو اولونان دین مبین اسلامک اسباب و وسائل نشری حقنندہ کی تشبثاتی دائماً تعقیب ایلنور . مخبر فاضلمز مکتوبہ بلرینک برندہ ژاپونیاہ ایلک شجرۃ اسلامی غرس ایدرک حیات و استقبالی نشر اسلام امنیہ جلدلہ سنہ حصر ایدن محترم برذاتدن بحث ایتش و بومقصد اغورندہ حائز اولدینی رتبہ عسکرکریہ سنی فدا ایدرک عزیمت ایلدیکی ژاپونیاہ مظهر ہدایت اولان زوجہ وقائن والدہ سیلہ یکانہ اسلام عائلہ سنی وجودہ کتورن مصرلی برکنجی ، احمد فضلی بکی بتون عالم اسلامہ تقدیم ایلمشیدی .

مخبر من عین زماندہ فضلی بکک ژاپونیاہ کی طرز مساعیسنی تصویر ایتش اولدیغندن بتون قارئلر مزلہ برابر بوغیور کنجک بالدقات جم غفیر محضرندہ اسلامک دین فطری بشر اولدیغنه دائر ویرمش اولدینی قونفرانسلرک ژاپونلرجه کمال اہمیتلہ تلقی اولنہرق تأثیرات حسنہ وجودہ کتیردیکنی و اسلامیت لہنہ تدریجی بر جریان افکار حصولہ کلکدہ اولدینی دخی مع المسار آکلامش ایدک .

ایشته بو مجاہد محترم مملکتتمزک اخیراً نائل اولدینی مشروطیتدن نصیبہ دار بولندینی فیوضی کورہرک قریرالین اولمق و دار الخلافہ جہ بوقیل تشبثاتک صور تلقیاتی الکلامق اوزرہ شہر مزہ ورود ایتش و اولکی کون دخی ادارہ خانہ منری زیارت ایلمشدر .

حقایق اسلامیهی ژاپونیاہ نشر ایدن ، مملکتی مملکتی بر اقوب صرف برسائتہ حمیتلہ تادنیانک اوبر اوجنہ کیدہرک فی سبیل اللہ نشر دینہ اوغراشان بوغیرتلی مسلمانلہ ملاقاتمز اخوت اسلامیهنک تأمین ایلدیکی صمیمیتک بک روحنواز بر مثال بہینی تشکیل ایتدی .

فضلی بک غایت سویملی برذاتدر . ناصیہ درخشاندہ منجلی اولان انوار اسلامیه صافیت روحنی ، علویت سریرہ سنی درحال مخاطبہ احساس ایدر . سنناً اوتوز بش یاشندہ تخمین اولنور . عربجہ ، انگلیزجہ ، فرانسزجہ کی مکمل قونوشیور ، ژاپونجہدہ افادہ مرامہ مقتدر ، ترکجہ ایچون دہ بیوک برہوس کوسترییور . طبیعی مباحثہ من عالم اسلامہ متعلق تشبثات متصورہ و مستقبلہ لری ایلہ

دون اویله دن صکرا ایدی ، فضلی بک پرمسرت تکرار اداره خانه کلدی ، « البشری ، البشری » دیه برکة الله افسیدن کلن مکتوبی اوزاتدی . اوقونجه کلا دق که (یاسوتارو هانجیو) اسمنده برژاپون اهتدا ایتش ، اصول وفروع دینی تحصیل ایتک اوزره دارالخلافهیه متوجهاً حرکت ایلیمش . بش اون کونه قدر مواصاتی مأمول . فضلی بکی تبریک ایتدک ، ویقینده انشاءه ژاپونلرک فوج فوج مظهر هدایت اولمیرینی تمنی ایلدک . مکتوبی عیناً درج ایله قارئلرمنی ده مسرت حاصلهیه تشریک ایدیورز :

بسم الله الرحمن الرحيم

حامداً ومصلياً وهمسلماً

الی الاخ العزیز المحترم احمد فضلی افندی ایده اہ تبارک و تعالی بروج منه ایہا الاخ الکریم هذا کتاب منی الیکم لیخبرکم بامر عظیم فیہ صلاح الاسلام والمسلمین ونجاح الشرق والشرقیین امر دعونا نرضی — یاخی انا ارسل الیکم قریباً (ای بعد عشرة ايام ام اقل او اکثر منها) رجلاً ژاپنیاً شغف بالاسلام حباً ویرید تحصیل مبانیہ ومسائلہ من اصولہا وفروعہا فی دارالخلافہ — قسطنطنیہ — وداعیاً قومہ الی الاسلام . وعزمہ بحمل المشاق فی طلب هذا المرام حتی لا یضن بنفسہ فیہ . هومنی علی اعتقادہ ان فلاح قومہ ووطنہ موقوف علی قبولہم الاسلام — والا لانجاة لهم — لان بن ایدیہم شباب ووعور ووهاد وضرر لامکال لهم باقتحامہا ولا طاقۃ لهم باذلتہا . الدیانۃ البودیہ قد بلغت من الکبر عتياً وردت الی ارض العمر فما بقی فیہا من الحیوة الا قلیلاً . وكذلك الحال بالادیان القدیمة کلہا — اما النصرانیة فتمدزلزلت ارکانہا فی مراکزہا من اوربا وامریکا فانہا ہی الیوم حیلۃ لاسترقاق الاقوام وتسخیر الممالک فیہی لانصلح ان تحیی الموتی . لانہا میتة بذنسہا . اما الاسلام فہو دین شاب فیہ حیوة تسری فی من یدخل فیہ . واخوة الاسلام فیہی قوة عظیمة لا قبل للناس بہا وعروة وثقی لانقصاص لہا وان اراد الاعداء باطفاء نورہا وسعی الحیارة بہدم بنائہا — وکفی بالله شہیداً — هو الذی ارسل رسولہ بالہدی و دین الحق لیظہرہ علی الدین کلہ . واسم هذا الرجل . « یاسوتارو هانجیو »

محمد برکة الله

۳ تموز ۱۹۰۹

« توکیو »

باشلاہ جقدر . شمدی سزدن بکله دیکمزشی ، بواصر عظیم حقندہ بتون مسلمانلرک نظر دقتلرینی جلب وبوتشبتک اہمیتی تقدیر ایدہ جک نشریائده بولمق ، عالم اسلامہ ژاپونیادہ نشر اسلامیت ایچون برجعت تشکل ایتدیکنی بیلدر مکدر . احوال وتشبثاتمزدین سزی منتظماً خبردار ایدہ جکیز . شمدی مصرہ کیدیورم . اورادہ دہ بوتشبتمزدی اکلا دہ جف ومؤخرأ بجرأ یولده مسلمان مملکتلرینہ اوغرایہرق ژاپونیایہ عودت ایدہ جکم . طیبی ہراوغرایدیغ محلدن دہ سزہ خبر کوندیریم . ژاپونیایہ کیدر کتمز جامعک برآن اول اکال انشاآنہ صرف ہمت ایدہ جکیز . جامع اکال اولندقدن صوکرا دارالخلافہ دن معاونت بکله یہ جکم . برامام ، بر مؤذن کوندیرلسی ایچوندہ رجادہ بولنہ جفم . بونلر علوم دینیہ فنون حاضرہ یہ وقوف ایلہ برابر انکلیزجہ دہ تکلم ایدہ بیلعلی درلر . بزبونلرلہ ایشہ باشلار ، اوراسنی مرکز اتخاڈ ایلہ ، سائر یرلردہ دہ شعبہ لر تأسیس ایدرز . ژاپونجہ وانکلیزجہ عقائد و احکام اسلامیہ دن باحث ہفتہ لقی بر غزتہ دہ نشر ایدہ جکیز . ایشک جدیتی ، نتائج حسنہ سی کورولنجہ بالطبع او وقت ہر مسلمان بزدن زیادہ غیرتہ کلہ جکدر . اورالردہ نشر دین ایچون بر خرسیتیان جمعیتی واردر : « کنج خرسیتیانلر جمعیتی » تمام سکسان میلیون سرمایہ یہ مالکدر . تشبثلری منتج موفقیت اولماقلہ برابر نشر واقدامدہ قصور ایتیورلر . ژاپونلر متفکر ، محاکمہ لی بر قوم اولدقلرند غیر معقول کوردکلری فکرلرہ اعتقادلرہ قایلما یورلر . یوقسہ او جمعیتک بواغورده صرف ابتدکی پارہ لر عقللرہ حیرت ویرر . رسالتپناہ صلی الله علیہ وسلم اقدمز حضر تلرینک علیہ ندہ رسالہ لر ترتیب ایتشلر . وغایت فنا بر فطوغراف دہ اویدور مشلر ، بتون ژاپون ممالککہ نشر ایدیورلر . ژاپونلری اسلامیتدن تبریدہ چالیشورلر . فقط حقیقت دائماً حقیقت در ؛ بوکون دکلسہ یارین ، یارین دکلسہ او برکون اسلام . میتک علویتنی وبتون بشریت ایچون بر دین فکاری بولندیغنی عموم جہان معرفت اکلاہ جقدر . ژاپونلرک ایسہ انشاءہ عہد قریبہ بوحقیقتہ وصوللری مأمولدر . . . ژاپونیایہ مواصلتی متعاقب سزہ جامع شریفک قروکیسنی ، وانشاآتی مصور رسملرینی کوندردہ جکم . سزہ اوزمانہ قدر دمین سوبلیدیکم اوصافی جامع امام ومؤذر یتشدیرمکہ غیرت ایدرسکیز .

مجاہد محترمک شو صمیمی سسوزلرینہ برشی علاوہ ایتکی زائد کوریر وحرز وحفظ صمدانیدہ مصون ومحفوظ قالملری تمنیایلہ ادعیہ موفقیتہ تردیفاً کندولرینی تبریک و ہممات واقعه لرندن طولابی بتون اخوان دین نامنہ عرض تشکر ایلرز .

احمد ساقی بک	مدیر مسئول :	اصحاب امتیاز :
مطبعہ سی	اشرف ادیب	ابوالعلا واشرف ادیب